

20695

373

2-29

373
8-29

ՅԱՅՏԱՐԱՐ ՈՒԹԻՒՆ

ՄՈՒՐԱՏ-ՈՒՊԱՅԷԼ

ԼԻԿԵՈՆԱԿԱՆ ԵՒ ԱՐՅԵՍՏԱԳԻՏԱԿԱՆ

ՊԱՐԺԱՐԱՆԻ



ՎԵՆԵՏԻԿ - Ի ՍՈՒՐԲ ՂԱԶԱՐ

1898

2010





8385-սահ

343

2-29

W

ՅԱՅՏԱՐԱՐՈՒԹԻՒՆ

ՄՈՒՐԱՏ-ՌԱՓԱՅԷԼ ՎԱՐԺԱՐԱՆԻ

Ո Ր Ի Վ Ե Ն Ե Տ Ի Կ

2.00

(1007
32134)

16535



Մուրատ-Ռափայել Վարժարան



ԱՐԵՑԻՇԱՏԱԿ ազգասերքն և երախտաւորք, Սամուէլ Մուրատ և Եղուարդ Ռափայել Ղարամեան, փեմ մտածութեամբ մեր ազգին բարոյական և ուսումնական լուսաւորութիւնը կենդանացնել փափաքեցան: Այս նպատակաւ վեհանձն առատաձեռնութեամբ թողուցին կտակաւ առանձին գումար դրամոց, որոց եկամտովը հայազգի որբ և աղքատ տղայք ձրի դաստիարակուին. յանձնելով սոյն վարժարանաց բացարձակ հոգաբարձութիւնն և դրամոց մատակարարութիւնը վեհեակոյ Մխիթարեան Միաբանութեան:



Մուրատեան Վարժարանն ի Պադուա հաստատուեցաւ յամին 1834, և ապա փոխադրուեցաւ ի Պարիս յամին 1846. իսկ Ռափայէլեան Վարժարանն ի Վենետիկ՝ բացուեցաւ յամին 1836, և ի Վենետիկ մնաց ցայսօր, ուր միացաւ իրեն հետ Մուրատեան Վարժարանն ևս, զաղղիա-բրուսական պատերազմին առթիւ, և անուանեցաւ Մուրատ-Ռափայէլ Վարժարան:

ՎԱՐՃԱՐԱՆԸ

1. Մուրատ-Ռափայէլ Վարժարանը, որ իտալիոյ պետութենէն պաշտօնապէս ճանչցուած է լիկեոն և Արտէստագիտական վարժարան (Liceo-Tecnico), հաստատուած է ի Վենետիկ՝ Քարմինի (Ai Carmini) ըսուած թաղը, Զենոբիոյ փառաւոր և ընդարձակ պալատան մէջ: Ունի հոյակապ ոսկեզօծ սրահ մը հանդիսից համար, բազմաթիւ սենեակներ, դասարանք, թանգարանք, սեղանատուն, ննջարան առողջ, լուսաւոր և օդաւէտ, հրապարակ մարմնակրթութանաց, մակոյկ մարմնամարզի, պարտէզ ծաղկանց և ծառոց, գաւիթ, գրատուն, ծովային և անոյշ ջրոց բաղանիք, ընտիր խմելու ջուր:

2. Աշակերտք կրնան ըլլալ ձրիավարժ և թոշակաւորք:



Ներքին ձախատ և պարտէզ Վարժարանին

ԸՆԴՈՒՆԵԼՈՒԹԻՒՆ ՁՐԻԱՎԱՐՃ ԱՇԱԿԵՐՏԱՅ

1. Մուրատ-Ռափայէլ Վարժարանը կը պահէ 45 ձրիավարժ աշակերտք, Բարերարաց զրամով:

2. Բաց ի այդ 45 աշակերտներէն, ի հաշիւ Մուրատ-Ռափայէլ Վարժարանի, ի Քաղկեդոն՝ Միսիթարեան Վարժարանին մէջ կը կրթուին 18 աշակերտք ձրիաբար, և 15 աշակերտք ի Տրապիզոն:

3. Ձրիավարժ աշակերտք ի Մուրատ-Ռափայէլ Վարժարան գալու համար՝ հարկ է որ նախ Կրթարանի (Կիմնադիոնի) ամբողջ, և Լիկէոնի միտարին կատարած ըլլան Միսիթարեան վարժարանաց մէջ՝ ի Քաղկեդոն կամ ի Տրապիզոն. և վկայական առած ըլլան բարի վարուց և ուսման մասին:

4. Վարժարանս մանող տղայոց տարիքը տասնուհինգէն պակաս պիտի չըլլայ:

5. Երկու եղբարք ի միասին չեն ընդունուիր, բայց եթէ մէկուն տալեկան լիովին թոշակ հատուցանելով:

6. Ամենայն ծնողք կամ ազգականք պէտք է հոգան երթի դրամը, և իրենք ղրկեն զաշակերտը. դարձեալ զգետեղէնքն ըստ 21 Յօդուածին: Նոյն պէս դարձի համար տղուն ընտանիքը պարտի հատուցանել ժամանակին ֆրանք 200:

7. Բայց յետինս անկարողէ և անօգնականներէ չպահանջուիր:

8. Բաց յառաջին տարիէն, միւս տարիները քննութիւնը լաւ չանցընող աշակերտք, կը կորսնցնեն ձրիավարժ ըլլալու իրաւունքը:

9. Ժամանակէ դուրս իր որդին ետ կանչողը պարտական է գոնէ ամիս մը առաջ Վարժարանիս Տեսչին իմացնէ և դարձին ծախքը հատուցանէ:

10. Երբ տղայ մը ստահակ և անուղղայ է, Վարժարանիս Տեսուչը աւմիս մը կամ տասնուհինգ օր առաջ կ'իմացընէ ծնողացը. և եթէ հարկ ըլլայ՝ առանց անոնց հաւանութեան սպասելու՝ ետ կը ճամբէ տղան: Նոյնպէս կ'ընէ երբ տղայ մը հիւանդոտ կամ անընդունակ ըլլայ ուսման:

11. Տղայոց դիպուածական հիւանդութիւններն կը հոգայ Վարժարանս, բայց ոչ նոյնպէս հինցած, և բնաւորական եղած երկար հիւանդութիւնք. այսպիսի տղաք ետ կը դարձուին: Իսկ թէ հիւանդութիւնը վտանգաւոր չէ, կը պահուին ծնողաց ծախիւք:



Դանդիմ կամ Սրահ հանդիսից

ԸՆԴՈՒՆԵԼՈՒԹԻՒՆ ԹՈՇԱԿԱՒՈՐ ԱՇԱԿԵՐՏԱՅ

12. Մուրատ-Ուփայէլ Վարժարանը բաց ի 45 ձրիավարժ աշակերտաց, կ'ընդունին նաև ուղղակի թոշակաւոր աշակերտ հետեւեալ պայմաններով:

13. Այդ աշակերտք պէտք է աւարտած ըլլան Կրթարանի (Կիմնագիտնի) բովանդակ ընթացքը և Լիկէոնի մի տարին, ինչպէս յետոյ պիտի դնենք ուսմանց ցանկին մէջ (թիւ 26):

14. Եթէ դիւրութիւն ունին, այս իրենց ըրած ուսմանց պէտք է քննութիւն տան կամ ի Միթարեան վարժարան Քաղկեդոնի, և կամ ի Միթարեան վարժարան Տրապիզոնի, և անոնցմէ վկայական ունենան:

15. Եւրոպիոյ քաղաքներէն, Ամերիկայէ, Ռուսաստանէ և Եգիպտոսէ աշակերտք կ'ընդունուին, եթէ ունենան վկայական պահանջեալ ուսմանց և բարի վարուց՝ տեղւոյն վարժարանէն:

16. Տղու մը տարեկան առաջին կարգի թոշակն է, երթի և դարձի և մտից գումարներէն զատ, 60 նաբօլէօն ոսկի, երկրորդն է 45, երրորդը՝ 30:

17. Երթի և դարձի ծախքը՝ ինչպէս նաև մուտքը՝ կանխիկ կը վճարուին: Թողակը՝ վեցամսեայ կանխիկ կը վճարուի ի Սեպտեմբեր 15 (Ն. Տ.) և ի 15 Մարտի (Ն. Տ.): Աշակերտ մը պէտք է գտնուի ի Վարժարանս ի 15 Սեպտեմբերի, կամ գոնեայ Հոկտեմբերի մէջ: Բայց թողակը նոյնպէս կը վճարուի Սեպտեմբեր 15ին:

18. Եթէ վճարքը ուշանայ ամիս մը, Տեսչութիւնը ազատ է աշակերտը յետս յղելու: Եթէ վեց ամիսը չաւարտած աշակերտը յետս կոչուի ի ծնողաց, և կամ ի վերոյ եղեալ թիւ 10 պատճառներով տղայ մը ետ դարձուի, Տեսչութիւնը չվճարեալ թողակի մնացեալ մասերը:


19. Եթէ ծնողք ուզեն որ տղան Վարժարանիս մէջ դաս տրուած ուսմունքէն դուրս, ինչպէս՝ նոր լեզու, գործիաւոր երաժշտութիւն կամ որ և է գիտութիւն և արուեստ, ևայլն, ուսանի. պէտք է որ ժամանակին իմացուեն, և եղած ծախքը դատ հատուցանեն:

20. Աշակերտաց քով ստակ ամենեւին պիտի չգտնուի. և եթէ ծնողք ուզեն ստակ զրկել, որպէս զի տղուն համար գիրք կամ ուրիշ մանր հարկաւոր իրեր գնուին, ստակը Տեսչին քովը կը պահուի մասնաւոր Հաշուեգրքի մէջ, և տղուն պէտք եղածը ինքը կը գնէ:

21. Աշակերտ մը Վարժարան մտած ժամանակ պէտք է ունենայ՝

4 սաւան	14 թաշկինակ
4 բարձի երես	1 գլխարկ
1 կարգ չուխայէ հաստ ամենօրեայ	4 երեսաբլիւ
զգեստ ձմեռուան համար	3 զոյգ կօշիկ
2 կարգ ամառնային ամենօրեայ զգեստ	1 պարկ ուղւոյ (չանդա)
4 փողպատ (գրաւաղ)	1 զոյգ հողաթափ (փանդուփ)
12 շապիկ	2 սանաբ
12 վարտիք	1 վրձին չուխայի
4 բաճկոն (ֆլանել)	1 վրձին գլխոյ
12 զոյգ գուլպայ	1 վրձին ակռայի
1 մկրատ	1 կտրոց

22. Ձրիավարժ աղքատ աշակերտաց ծնողքն եթէ կարող չըլլան այս ամէն ճերմակեղէնքն և հագուստը ամբողջապէս հոգալու, կրնան հաւանութեամբ Տեսչութեան քիչ մը նուազեցնել անոնց թիւը:



Մատուռն կամ Աղօթարան

ԿՐԾՆԱԿԱՆ ԵՒ ԲԱՐՈՅԱԿԱՆ ԿԱՐԳԻ

23. Քրիստոնէական բարեպաշտ դաստիարակութիւնն՝ ուղիղ բարոյականի մի միայն հիմն ըլլալով, Վարժարանիս աշակերտները ամէն կիւրակէ և տօնի օրեր հաւատոյ վարդապետութեան և բարի վարուց վրայ խրատ և կրթութիւն կը լսեն: Վարժարանիս մատարանը մէջ ամէն օր առաւօտ և երեկոյ միաբանական աղօթք կը կատարեն. կիւրակէ և հինգշաբթի սուրբ պատարագին առաջիկայ կ'ըլլան: Տաղաւարի օրերը՝ սուրբ խորհրդոց կը մերձենան խոստովանելով և հաղորդուելով. յետոյ Մխիթարեան վանաց եկեղեցին՝ եպիսկոպոսական հանդիսաւոր Պատարագի ներկայ կը գտնուին:

24. Աշակերտք, հինգշաբթի օր մասնաւոր դասախօսութիւն կը լսեն Մարգարավարութեան կանոնաց և պատշաճից վրայ: Ամենայն հոգ կը տարուի զիրենք բարեկերթ և պատուաւոր զաւակք և քաղաքացիներ ընելու:

25. Տեսչութիւնը մասնաւոր փոյթ ունի դարձեալ հեռու պահելու յաշակերտաց ամէն տեսակ վնասակար գիրք և ուրիշ որ և իցէ մոլորեցուցիչ առիթներ:

ՈՒՍՈՒՄՆԱԿԱՆ ԿԱՐԳԻ

26. Վարժարանիս շրջանը երեք տարուան շրջան է: Առաջին և երկրորդ տարուան մէջ կ'ընեն Լսարանի (Լիկէոնի) իմաստասիրական և չափաբերական (մաթէմատիքական) վերջին երկու տարիները: Իսկ երրորդ տարուան մէջ կը կատարելագործեն ուսումները, և կամ կը զբաղին արհեստներու, ընտիր Հաստատութեանց և Գործատանց մէջ. կըրնան յաճախել Քաղաքիս Վաճառականութեան և կամ Նաւային, Մեքենական, Գեղարուեստից և ուրիշ բարձր Վարժարանները:

Ա Տ Ա Ր Ի	Բ Տ Ա Ր Ի
Հայերէն Իտալերէն Գաղղիերէն Տաճկերէն } (կամաւոր) Անգլիերէն } Գրաւորութիւն Երկրաչափութիւն Բնաւորութիւն Բնական պատմութիւն Հաշուակալութիւն Պատմութիւն նոր ազգաց Մատենագրութիւն նոր ազգաց Գծագրութիւն (երկրաչափական ձևք) Գեղագրութիւն Երգ եւրոպական Մարմնակրթանք	Հայերէն Իտալերէն Գաղղիերէն Տաճկերէն } (կամաւոր) Անգլիերէն } Ռուսերէն } Գերմաներէն } Եռանկիւնաչափութիւն Բնագիտութիւն Բնաւորութիւն Երկրաչափութիւն և Մեքենականութիւն Բնական պատմութիւն (լրումն) Հաշուակալութիւն Պատմութիւն ժամանակակից Մատենագրութիւն ժամանակակից Գծագրութիւն (հաստատուն մարմինք) Երգ եւրոպական Մարմնակրթանք
Գ Տ Ա Ր Ի	
Հայերէն Իտալերէն Գաղղիերէն Տաճկերէն } Անգլիերէն } Ռուսերէն } (կամաւոր) Գերմաներէն } Լատիներէն } Համալսարանական աշակերտաց	Բնագիտութիւն արուեստական Բնաւորութիւն արուեստական Հաշուակալութիւն Իրաւագիտութիւն Իմաստասիրութիւն Վաճառագիտութիւն (Mercologia) Գծագրութիւն (հարապատկան) Երգ եւրոպական Մարմնակրթանք

27. Վերոյսացեալներէս կը հասկցուի, որ ի Վարժարանս ընդունուող թէ՛ ձրիավարժ և թէ՛ թոշակաւոր աշակերտք՝ պէտք են գիտնալ՝ Քերականութիւն և շարագրութիւն հայերէն, իտալերէն, գաղղիերէն լեզուաց, Պատմութիւն հին ազգաց, Մատենագրութիւն հին, Տիեզերագիտութիւն, Աշխարհագրութիւն Բնական և Քաղաքական, Երկրաչափութեան և Գրաւորութիւն սկզբունք:

28. Վարժարանիս մէջ ուսմունք, լեզուք և արուեստք ըստ պատշաճի աւանդուելու համար, Տեսչութիւնս Իտալական Պետութեան բարձր Վարժարանաց վկայեալ վարժապետներ ընտրած է:

29. Ամէն մի ուսմունք լրացած ատեն, անմիջապէս խիստ և երկար քննութիւն կը կատարուի նոյն ուսման առանձին. և առաջին կարգի քաջերուն Տեսչութիւնս կը շնորհէ մասնաւոր Վկայագիր նոյն ուսման:

ՀԱՄԱԼՍԱՐԱՆԱԿԱՆ ԿԱՄ ՄՈՒՐԱՏԵԱՆ ՎԱՐՃԱՐԱՆ

30. Աշակերտք յետ երեք տարուան շրջանին մէջ սահմանեալքն աւարտելու, կը քննուին յՈւսումնական Ժողովոյ Միւթարեան Միաբանութեան որ ի Վենետիկ, և արժանաւորք ըստ ամենայն մասանց՝ պիտի անցնին ի Համալսարանական Վարժարան և կամ ի Բարձր Մասնագիտական Վարժարանս:

31. Միաբանութիւնս Համալսարանական դասուն դիւրութեան համար՝ առանձնաշնորհութիւն ստացած է Գաղղիոյ Տէրութենէն յամին 1867, որով մեր ուսումնաւարտ աշակերտքն՝ Վարժարանիս ընդհանուր Վկայագրովը կարենան Գաղղիոյ Համալսարանները մտնել: Յամին 1879 իտալիոյ Պետութենէն առանձնաշնորհութիւն ստացաւ, որ մեր աշակերտքն ազատ ըլլան Կրթարանի (Կիմնագիտի) քննութիւններէն: Յամին 1895 Նոյեմբեր ամսոյն շնորհուեցաւ, որ մեր Վարժարանի աշակերտք կարենան մտնել ի Վարժարանի Հարտարապետութեան (Architecture), Վարժարանիս վկայականաւ: Նոյն պէս Գեղարուեստից ուրիշ ձիւղերու մէջ:

32. Իսկ յամին 1897 Ապրիլի, արքունական հրովարտակաւ շնորհուեցաւ որ՝ Մուրատ Ռափայէլեան վարժարանի շրջանաւարտ աշակերտք, տեսչութեան վկայականաւ կարենան մտնել առանց քննութեան իտալիոյ բովանդակ համալսարանները, ըլլալու համար Բժիշկ, Վիրաբոյժ, Երկրաչափ, Բնագէտ, Տարրալոյծ, Գեղագործ, Երկրագործ, Անասնաբոյժ, Մեքենագործ, և այլն:

33. Վարժարանս ունի նաև աշակերտք՝ որոնք նիւթական արհեստներու կը զբաղին:

34. Վենետիկ քաղաքը ունի Գործարաններ՝ Աճառի (սպուն), Տարրալուծական և բժշկական նիւթոց, Պնակեղինաց, ամենագլի ապակեղինաց, Խցաններու, Մոզայիքներու, Փորագրութեանց, Երաժշտական գործեաց,

Թղթեայ տիոց և զարդերու, Կաշեգործութեան, Հովանոցի, Բամպակագործութեանց, Ստուիններու (ֆլանէլ), Մամի, Գլխարկներու, Զուանի, Նաւական շինութեանց, Կշիռքներու, շաղախի կամ Կրաղիւտի (Ciment), Կաւերու, Կերպասներու, Շոգեշարժ լուացարանաց, Քացախի և Օսլայի (amidon), Կազային և Ոգելից ըմպելեաց, Գարէջրոյ, Շաքարեղինաց, և այլն և այլն:

ՏՆՏԵՍԱԿԱՆ ԵՒ ԱՌՈՂՋԱՊԱՀԱԿԱՆ ԿԱՐԳԻՔ

35. Վարժարանս ջանալով որ Աշակերտաց մտաց մէջ տպաւորուին խընայողութեան, մաքրութեան և զգուշութեան ամենայն սկզբունք, պատշաճ չափաւորութիւնը միշտ պահած է:

Աշակերտաց կերակուրներն են՝

Առաւօտուն նախաճաշ՝ կաթ խահուէիւ, հաց:

Ճաշուն՝ ապուր, միս՝ կանաչեղինաւ, կաթնեղէն կամ խմորեղէն մը . և գաւաթ մը գինի Բարձրագոյն ուսանողաց համար:

Ժամը Կին փոքրիկ հաց մը ևս:

Ընթրեաց՝ մէկ տեսակ մսեղէն կերակուր, պանիր և պտուղ:

Եօթնեակի մէջ երկու օր պահք ունին՝ ձկնեղէն և կթեղէն:

36. Աշակերտաց ճերմակեղէնքն, հագուստք և կօշիկք շաբաթը երկու անգամ կը փոխուին: Ունին պատշաճ նշանազգեստ ձմեռնային և ամառնային:

37. Աշակերտք թէ՛ ի Վարժարանն և թէ՛ ի դուրս՝ միաձև զգեստ կը կրեն:

38. Վարժարանս յատուկ բժիշկ, վիրաբոյժ և ատամնաբոյժ ունի: Ծովու և անոյշ ջրոց բաղանիք՝ ամառնային եղանակի համար:

39. Մեծ արձակուրդի օգտփոխութեան համար ունի Ամարաստուն՝ Աւպեանց ոտքը բլրոյ մը վրայ, սքանչելի իրեն օդովը, ջրովը և տեսարաններով, մօտ Աղույ գիւղաքաղաքին. հոն աշակերտք կ'անցընեն եօթն եօթնեակք:

40. Օրուան հանգստեան ժամերուն՝ աշակերտք կը հրահանգին մարմնակրթանաց մէջ:

41. Ի վերջոյ իբր կնիք Յայտարարութեանս, հաւասար խնամք կ'ընդունին անխտիր թոշակաւոր և ձրիավարժ աշակերտք:

Ամենայն առաջարկութիւն պէտք է ուղղել առ Տեսուչն: Որ և է նամակ կամ առաջարկութիւն որ ուղղակի առ Տեսչութիւնն չի գրուիր, անպատասխանի կը մնայ: Հասցէն է՝

Direction du Collège Arménien Moorat-Raphaël

AI CARMINI

VENISE

(Italie)



20695

2018

ՀՀ Ազգային գրադարան



NL0056497



